



Samfélagsskýrsla 2020



Orð frá framkvæmdastjóra

Árið 2020 var ár mikilla áskorana sem hafa reynt mikioð á samtakamátt og samstöðu starfsmanna Olís. Það er aðdáunarvert að fylgjast með því hvernig starfsfólkið okkar hefur tekist á við heimsfaraldurinn vegna Covid 19 af yfirvegu og fagmennsku. Unnið hefur verið úr hverri áskorun með útsjónarsemi og snjöllum lausnum sem starfsfólk hefur mótað og hrint í framkvæmd.

Stór þáttur í starfsemi okkar er sala á jarðefnaeldsneyti og því höfum við alltaf haft umhverfisvernd ofarlega á dagskrá, enda viljum við tryggja að sala jarðefnaeldsneytis sé með ábyrgum og öruggum hætti. Hluti af samfélagslegri ábyrgð okkar hjá Olís er að vinna að því hörðum höndum að bæta umhverfið og samfélagið. Við leggjum megináherslu á samfélagsverkefni af ýmsum toga, umhverfismál og mannauðsmál þar sem ábyrgir stjórnarhættir, jafnréttismál og sjálfbærni eru í forgrunni.

Sjálfbærni að leiðarljósi

Við teljum nauðsynlegt að standa vörð um náttúru Íslands og leggjum okkar lóð á vogarskálarnar til að hver kynslóð skili landinu og auðlindum þess í betra horfi til þeirrar næstu. Við viljum nýta auðlindir landsins á sjálfbæran hátt og stuðla að vexti þeirra svo sem kostur er. Umhverfisstefnan okkar byggir á því að tryggt sé, með hliðsjón af eðli starfseminnar, að umhverfissjónarmið séu höfð að leiðarljósi í öllu okkar starfi. Stefnan nær til alls starfsfólks og sjálfstæðra aðila sem starfa fyrir félagið og við tökum mið af umhverfisvernd við meðferð á söluvörum, förgun úrgangsefna, endurnýtingu umbúða, vörुþróun, byggingu mannvirkja og val á rekstrarvörum.

Samstilltur hópur starfsfólks

Við sem störfum hjá Olís erum samstilltur hópur og vinnum eftir ábyrgri mannauðsstefnu þar sem jafnrétti, heilsa, öryggi og velliðan í starfi eru höfð að leiðarljósi. Öllu starfsfólki okkar á að líða vel í starfi og engum skal mismunað á grundvelli kyns, trúar eða kynþáttar. Til að tryggja þetta höfum við sett á fót nefnd innan Olís sem tekur á atvikum sem geta komið upp hjá starfsfólki, svo sem ofbeldi, kynferðislegu áreiti og annarri óviðeigandi hegðun.

Samfélagsleg ábyrgð

Markmið okkar er að vera virkur þáttakandi í jákvæðri uppbyggingu í samfélagini og á hverju ári styður Olís við góð málefni sem auðga og efla samfélagið. Má þar nefna framlög til mannúðarstarfs, landræktarverkefna, menningar og íþrótt eða þar sem við teljum að framlag Olís geti haft mest jákvæð áhrif á samfélagið. Við veitum þjónustu um allt land og því eru snertifletir okkar margir við fólk Í landinu. Þessi nálægð við samfélagið setur starfsfólk okkar í nán tengsl við margvísleg verkefni um allt land sem þarfnað stuðnings. Framlag okkar til samfélagslega ábyrgra verkefna hvetur allt starfsfólk okkar til að vinna störf sín af enn meiri ánægju og stolti. Þetta sjáum við endurspeglast í ánægðum viðskiptavinum og starfsfólk sem sinna störfum sínum af framsækni, fagmennsku og trausti sem eru einmitt gildi félagsins.



Jón Ólafur Halldórsson
Framkvæmdastjóri



Fyrirtækið

Olíuverzlan Íslands, sem er í dag betur þekkt sem Olís, er eitt af stærri verslunar- og þjónustufyrirtækjum landsins og rekur yfir 70 útsölustaði á landinu öllu. Fyrirtækið á sér langa sögu sem er samofin þróun íslensks samfélags í næstum hundrað ár en Olís var stofnað 3. október 1927.

Við sérhæfum okkur í sölu og þjónustu með eldsneyti og öðrum olíuvörum, auk veitinga, ýmissa nauðsynjavara fyrir bílaeigendur, ásamt fjölbættri þjónustu við sjávarútvegs-, verkta- og flutningafyrirtæki um land allt. Grunnrekstur okkar hefur ávallt verið eldsneytissala, en með nýtingu á dreifineti Olís og sérfræðibekkingu hefur sala á öðrum vörum aukist jafnt og þétt. Þessar vörur eru hinari ýmsu rekstrarvörur og heilbrigðisvörur en einnig veitingar og almennar neysluvörur til fyrirtækja og einstaklinga. Olís er með vottað gæðastjórnunarkerfi samkvæmt ISO 9001.

Meginmarkmið okkar er að vera leiðandi fyrirtæki á Íslandi á okkar sviði hvað varðar arðsemi, þjónustu við viðskiptavini, gæði vörur, umhverfisvernd og góða ímynd, þar sem sérstök áhersla er lögð á stuðning við umhverfis- og mannúðarmál ásamt sjálfbærni.





Grænu skrefin

Markvissar aðgerðir í
átt að sjálfbærni

Grænu skrefin

Loftslagsbreytingar af mannavöldum er ein helsta áskorun samtímans og markmið okkar er að halda neikvæðum umhverfisáhrifum af starfseminni í lágmarki og á sama tíma stuðla af krafti að vernd umhverfisins. Vinna okkar í átt að sjálfbærni tekur mið af umhverfisstefnu og aðgerðaáætlun Olís í umhverfis- og loftslagsmálum.

Umhverfisráð og aðgerðaráætlun

Móðurfélag Olís, Hagar, hefur sett á laggirnar umhverfisráð þar sem fulltrúi okkar ásamt aðilum úr hinum systurfélögunum eru ábyrgir fyrir innleiðingu og að framfylgja umhverfisstefnunni innan hvers fyrirtækis.

Umhverfisráðið fundar með reglubundnum hætti og hlutverk þess er að gera aðgerðaáætlun hvað varðar umhverfismál sem gildir til tveggja ára í senn. Í áætluninni skal m.a. útlista leiðir að markmiðum, hvernig settum markmiðum skal náð og hvernig eftirfylgni aðgerðaráætlunarinnar skuli háttar.

Samstarf við Landgræðsluna um kolefnisjöfnun

Heildarlosun gróðurhúsalofttegunda hjá Olís á árinu 2020 voru 2.380 tCO₂ ígildi en árið 2019 undirritaði Olís samning þess efnis að allur rekstur félagsins, akstur, flug og dreifing eldsneytis til viðskiptavina um allt land, yrði kolefnisjafnaður í framhaldinu.

Kolefnisjöfnun okkar byggir á tryggum grunni og langvarandi samstarfi okkar og Landgræðslunnar sem hefur varað allt frá árinu 1992. Kolefnisjöfnunin er notuð til að endurheimta votlendi, birkiskóga og þurrlandisvistkerfi.

Samstarfið með Landgræðslunni hefur líka náð utan um birkifræsöfnun og er stefnt að halda því samstarfi áfram árið 2021. Á síðasta ári sá starfsfolk Landgræðslunnar um að dreifa fræinu í byrjun sumars á svæði þar sem verið er að stuðla að útbreiðslu birkis.

Við tökum einnig þátt í kostnaði þeirra einstaklinga sem kjósa að kolefnisjafna eldsneytiskaup sín. Fastur afsláttur til einstaklings lækkar þá um aðeins 2 krónur á lítrann. Við borgum svo 2 krónur á móti svo 4 krónur af lítranum renna til Landgræðslunnar í fjölbreytt kolefnisverkefni. Með þessu vinnum við með viðskiptavinum að því að kolefnisjafna þeirra eldsneytisviðskipti við Olís.



Flokkun sorps og endurvinnslu

Við notum umhverfisstjórnunarkerfið EnviroMaster frá Klöppum til að tryggja mælanleika þegar kemur að árangri í umhverfismálum og sjálfbærni. Kerfið gerir okkur kleift að vakta og fylgjast með t.d. eldsneytisnotkun, magni úrgangs, endurvinnslu og rafmagns- og vatnsnotkun. Við tökum svo þessar upplýsingar úr kerfinu og vinnum árlegt samfélagsuppgjör í samvinnu við Klappir.

Unnið er að stöðugum endurbótum hvað varðar flokkun á þjónustustöðvum Olís í samstarfi við öll þau gámaþjónustufyrirtæki sem þjónusta okkur á hverri stöð. Úrgangur svo sem pappír eða pappi, plast og lífrænn úrgangur er flokkaður og fluttur á sorpeyðingarstöðvar eftir því sem þjónustuaðilar geta orðið við á hverju svæði. Þá styttist í að allar þjónustustöðvar okkar verði tilbúnar til umbúðalausrar sölu á rúðuvökva, frostlegi og smurolíu.

Við erum í dag með fjölmörg verkefni sem stuðla að frekari flokkun og endurvinnslu. Við tökum á móti ýmsum spilliefnum svo sem sírum, þungmálum, úrgangsolíu og smurolíu, freon og CFC-efnum og sendum í endurvinnslu eða til sérhæfðra móttökustöðva. Þá tökum við líka á móti notuðum rafhlöðum frá viðskiptavinum og sendum í endurvinnslu.


Á síðasta ári tökum við í notkun ný pappamál fyrir kaffi sem selt er á þjónustustöðvum gegn mjög vægu gjaldi, sem eru enn umhverfisvænni en áður og notum endurunninn pappír þar sem því verður komið við.

Umhverfisvænt vöruúrvval

Um langt árabil hefur Olís boðið upp á áfyllingar á bílavörum eins og rúðuvökva án plastbrúsa til að minnka soun, tekið á móti rafhlöðum til förgunar og endurnýtingar, svo dæmi séu tekin.

Olís býður fyrirtækjum umhverfisvænni rekstrarvörur með svansmerkingu, svo sem sápur og pappír, og vinnur markvisst að því að fylgja svansmerktum vörum í rekstrarvöruúrvalli. Á síðasta ári jukum við verulega úrvval okkar af niðurbrjótanlegum og umhverfisvænni vörum í einnota umbúðum og við höfum sjálf leitast við að nota slíkar lausnir á þjónustustöðvum okkar og hefur aðlögunin gengið mjög vel. Nú erum við að klára að taka allt plast úr vöruúrvalli sem byggir á einnota vörumbúðum.

Við leggjum áherslu á að fara í einu og öllu eftir lögum og reglum í starfsemi okkar með gagnsæi og siðgæði að leiðarljósi. Sala á jarðefnaeldsneyti er háð lögum og reglum um losun gróðurhúsalofttegunda og við blöndum endurnýjanlegu eldsneyti (ethanol í bensín, biodiesel í diselolíu) saman við hefðbundið eldsneyti til að uppfylla lög og reglur um minni losun gróðurhúsalofttegunda. Olís starfar eftir og uppfyllir reglugerð um gæði eldsneytis en markmið þeirrar reglugerðar er að draga úr losun gróðurhúsalofttegunda á vistferli eldsneytis og hugsanlegum skaðlegum áhrifum eldsneytis á heilsu fólks og umhverfisins.



Eyjafjörður í átt
að Akureyri



Horft yfir Reynisfjöru
við Vík í Mýrdal

Orkusparnaður

Heildarorkunotkun Olís var 14.488.515 KWst á árinu 2020, þar af var orka frá jarðefnaeldsneyti 1.468.039, orka frá rafmagni 5.526.768 og orka frá heitu vatni 7.493.293. Hlutfall endurnýjanlegrar raforku var 89,9% og hlutfall jarðefnaeldsneytis var 10,1%.

Við höfum um langt skeið unnið að því að draga úr orkunotkun en á síðasta ári tókst okkur til að mynda að minnka orkunotkun okkar frá jarðefnaeldsneyti úr 1.519.446 kWst árið 2019 niður í 1.468.039 kWst, ætlunin er að halda áfram markvissari vinnu í orkusparnaði.

Umhverfisvænni orkugjafar

Hraðhleðslustöðvar fyrir rafmagnsbíla eru komnar upp á fjórum þjónustustöðvum Olís, í Álfheimum í Reykjavík, Siglufirði, Reyðarfirði og Höfn í Hornafirði. Við stefnum að því að fjölga þeim jafnt og þétt um allt land á næstunni.

Þá bjóðum við upp á metan í Álfheimum, Mjódd og á Akureyri en Olís rekur flestar metanstöðvar á Íslandi. Við blöndum alla dísilolíu með vetrismeðhöndlæðri lífrænni olíu (VLO) og Rapeseed methyl ester (RME) og þá er bensínið blandað með etanolí til að draga úr losun koltvisýrings.

Loftslagsyfirlýsing Festu og Reykjavíkurborgar


Við undirrituðum loftslagsyfirlýsingu Reykjavíkurborgar og Festu í nóvember 2015, ásamt yfir eitt hundrað öðrum fyrirtækjum og stofnunum, en yfirlýsingin er til marks um vilja fyrirtækjanna til að vinna að heimsmarkmiðum Sameinuðu þjóðanna. Við ætlum að sýna samfélagslega ábyrgð í verki með því að:

- Draga úr losun gróðurhúsalofttegunda
- Minnka myndun úrgangs
- Mæla árangurinn og gefa reglulega út upplýsingar um stöðu ofangreindra þátta

Umhverfisstefna Olís

- Stjórn umhverfismála er á meðal forgangsverkefna Olís og ber að aðlaga starfshætti og rekstur félagsins að ábyrgri afstöðu til umhverfisverndar.
- Stöðugt ber að fylgja eftir stefnumótun og stjórnun umhverfismála í ljósi nýrra laga og reglna, starfshátta atvinnugreinarinnar, tæknipróunar, þarfa neytenda og væntinga almennings.
- Félagið hefur frumkvæði að endurbótum á starfsháttum sem leiða til betri umhverfisverndar.
- Félagið mun þjálfa og hvetja starfsmenn til að sinna störfum með fullu tilliti til umhverfisverndar.
- Félagið mun taka tillit til umhverfisþáttu s.s. orkuneyslu og nýtingu hráefnis við val á vörum, birgjum og flutningatækjum og að neikvæðum áhrifum á umhverfið frá rekstri fyrirtækisins sé haldið í lágmarki s.s. með réttari förgun sorps og úrgangsoliú.
- Félagið mun skipuleggja og skrá neyðaráætlun um viðbrögð á hættustundum og skulu slíkar áætlanir gerðar í samráði við og með fullu tilliti til yfirvalda og samfélagsins og skv. gildandi lögum og viðurkenndum starfsháttum.
- Félagið mun vekja athygli þjónustuaðila og undirverktaka á þessum grundvallaratriðum og eins og við á, krefjast úrbóta í starfsháttum þeirra í samræmi við starfshætti fyrirtækisins.
- Félagið mun efla góð almannatengsl um umhverfismál og hvetja til opinskárra og tíðra skoðanaskipta við starfsmenn fyrirtækisins, yfirvöld og almenning og leitast við að skynja áhyggjur sömu aðila á mögulegum umhverfisáhrifum af starfsemi félagsins.
- Félagið mun reglulega endurmeta árangurinn í umhverfisvernd.

**Olís skipuleggur umbætur í umhverfismálum
með hliðsjón af þessu vinnuferli**






Mannauður

Framsækni
fagmennska
og traust

Mannauður

Olís er framsækið og öflugt bjónustufyrirtæki sem býður upp á góðar vinnuaðstæður við fjölbreytt og skemmtileg viðfangsefni og jöfn tækifæri til starfspróunar. Starfsfólk okkar er hvatt til heilbrigðs lífernис og við veitum árlega fjárhagslegan stuðning til heilsueflingar. Við leggjum áherslu á að vera eftirsóknarverður vinnustaður þar sem jafnrétti og starfsánægja er höfð að leiðarljósi.



Mannauðsstefna Olís

Mannauðsstefnan er hluti af heildarstefnu fyrirtækisins og undir mannauðsstefnuna falla einnig jafnréttisstefna sem inniheldur jafnlaunastefnu, jafnréttisáætlun og jafnréttismarkmið sem og stefna í eineltis- og öðrum ofbeldismálum. Gildi Olís liggja til grundvallar mannauðsstefnunni og þeiri menningu sem ríkir á hinum fjölmörgu starfsstöðvum. Gildin okkar eru framsækni, fagmennska og traust.

Jafnlaunavottun

Í hópi starfsfólks eru konur og karlar á öllum aldri og er leitast við að ráða í bann hóp þannig að aldursdreifing verði nokkuð jöfn og gætt er að jöfnum rétti kynjanna. Olís greiðir sömu laun fyrir jafnverðmæt störf og hefur hlotið jafnlaunavottun samkvæmt ÍST 85:2012. Öll störf innan Olís hafa verið flokkuð út frá samræmdu kerfi og þau verðmetin án tillits til bess hver gegnir þeim. Árlega er framkvæmd launagreining af óháðum aðila þar sem skoðað er hvort frávik eru frá þessari flokkun og launasetningu. Ef um frávik er að ræða er farið yfir þau og þau leiðrétt eða unnið að úrbótum.

Olís hefur innleitt jafnlaunakerfi sem hefur þann tilgang að tryggja jafnrétti og jafna stöðu kvenna og karla innan fyrirtækisins. Markmiðið er að nýta hæfni, krafta og kunnáttu starfsfólks til fulls án þess að kynbundinn mismunur eigi sér stað.

Jafnréttisstefna Olís

Jafnréttisstefna Olís nær til kyns, aldurs, kynþáttar, trúarbragða, skoðana og kynhneigðar en allt starfsfólk okkar skal njóta sömu virðingar. Það er stefna fyrirtækisins að koma í veg fyrir að ranglæti eigi sér stað og hvers konar mismunun er óheimil og verður ekki liðin.

Allt okkar starfsfólk á þess kost að njóta sín í starfi án tillits til kynferðis, trúarbragða, skoðana, þjóðernis, kynþáttar, kynhneigðar, búsetu, aldurs og stöðu að öðru leyti til jafns þá auðlegð sem felst í menntun, reynslu, hæfni og viðhorfum ólíkra einstaklinga. Við trúum því að fyrirtæki sem búa yfir meiri fjölbreytileika starfsfólks njóti almennt meiri velgengni.

Kynjahlutfall stjórnenda

Við höfum unnið eftir jafnréttisstefnunni okkar í nokkur ár og á hverju ári höfum við greint kynjahlutfall í stjórnunar- og áhrifastöðum. Jafnt og þétt höfum við breytt samsetningu kynjanna í stjórnendastöðum, þannig að hlutur kynjanna verður sífellt jafnari. Við starfsþróun og ráðningar tökum við mið af hæfni, frammistöðu, starfsreynslu og menntun en að því jöfnu horfum við til þess kyns sem er í minnihluta í viðkomandi störfum hjá Olís.

- Kynjahlutfall í framkvæmdastjórn er nú 40/60 en var 16/84 árið 2018.
- Kynjahlutfall forstöðumanna er nú 17/83 en var 13/88 árið 2018.
- Kynjahlutfall millistjórnenda og sérfræðinga er nú 37/63 en var 30/70 árið 2018.

Kynjunum er ekki mismunað í launum og þau njóta sömu kjara fyrir jafnverðmæt eða sambærileg störf. Einnig njóta þau sömu kjara hvað varðar lífeyris-, orlofs- og veikindarétt og hver önnur starfskjör eða réttindi sem metin eru til fjár. Jafnlaunastefna er unnin í samræmi við lög nr. 10/2008 um jafna stöðu og jafnan rétt kvenna og karla og önnur lög sem tengjast stöðu og jöfnum rétti kynja.

Heilsa og öryggi

Það skiptir okkur miklu máli að aðbúnaður á vinnustað og nánasta umhverfi sé þannig úr garði gerður að öryggi, heilbrigði og vellíðan starfsfólks sé sem best tryggð. Tilhögun á starfsemi vinnustaða tekur alltaf mið af mati á heilsufarslegri áhættu starfsmanna vegna starfseminnar. Við erum í samstarfi við Vinnuvernd sem sinnir bólusetningum á haustin og skráningum á veikindum starfsfólks og barna þeirra. Ennfremur veitir Vinnuvernd starfsfólk ráðgjöf ef til veikinda kemur.


Starfsfólk stendur til boða árlegur heilsueflingarstyrkur að uppfylltum ákveðnum skilyrðum og nýttu alls 181 starfsmenn sér þennan styrk árið 2020.

Fræðsla og þjálfun

Á árinu 2020 lögðum við áherslu á rafræna þjálfun og innleiddum fræðslukerfið Eloomi. Með rafrænni kennslu og þjálfun náum við betur til starfsfólks á hinum fjölmörgu starfsstöðvum víðsvegar um landið og getum sinnt fræðslu mun jafnar en áður var.

Persónuvernd

Við leggjum mikið upp úr því að meðhöndla persónuupplýsingar starfsfólks og viðskiptavina af öryggi og fagmennsku. Persónuverndarstefnan okkar tekur mið af lögum nr. 90/2018 um persónuvernd og vinnslu persónuupplýsinga.





Samfélagið

Umhyggja fyrir
nærumhverfi og
náttúru

Samfélagið

Markmið okkar er að vera virkur þáttakandi í jákvæðri uppbyggingu í samféluginu og á hverju ári styður Olís við góð málefni sem auðga og efla samfélagið sem við byggjum. Má þar nefna framlög til mannúðarstarfs, landræktarverkefna, menningar og íþróttar eða þar sem við teljum að framlag Olís geti haft mest jákvæð áhrif á samfélagið.

Samstarf við Slysavarnafélagið Landsbjörgu

Frá árinu 2012 hefur Olís verið einn aðal styrktar- og samstarfsaðili Slysavarnarfélagsins Landsbjargar. Styrkir felast meðal annars í beinum fjárstuðning til samtakanna og góðum afsláttarkjörum á eldsneyti. Einnig eru haldnir sérstakir fjárlögunardagar þar sem hluti af sölu eldsneytis þann dag rennur til Landsbjargar. Með þessu viljum við tryggja að björgunarsveitir landsins séu vel í stakk búnar til bess að aðstoða Íslendinga og erlenda ferðamenn sem eru á ferð um landið. Olís hefur að auki boðið björgunarsveitum sérstaka neyðaraðstoð. Olís opnar afgreiðslustöðvar sínar að kvöld- og næturlagi ef björgunaraðgerðir eru í gangi svo björgunarsveitir hafi aðgang að eldsneyti og öðrum búnaði á öllum tímum sólarhringsins.

Menningarstyrkir

Olís leggur ýmsum menningarmálum um land allt lið, má þar nefna stuðning við leikfélög, kvíkmyndagerð og bæjarhátíðir og önnur menningartengd málefni. Við styrktum til að mynda báðar seríur af Ófærð og Fiskidaga á Dalvík.

Gefum og gleðjum

Gefum og gleðjum er fjárlunará tak þar sem ákveðin samtök eða góðgerðarmálefni fá fimm krónur af hverjum seldum lítra þess dags. Meðal þeirra sem hafa notið góðs af Gefum og gleðjum eru Stígamót, Landsbjörg, Samhjálp, Geðhjálp, Píeta samtökin og fjöldi annarra félaga.

Olísdeildin og annað íþróttastarf

Einn helsti stuðningur Olís við íþróttir á Íslandi er samstarf Olís og HSÍ um efstu deildirnar í handbolta. Efsta deildin er kölluð *Olís deildin* og önnur deildin *Grill 66 deildin*. Þá fá helstu félagslið á svæðum þar sem Olís er með útibú eða starfsstöð styrk frá fyrirtækinu og er lögð áhersla á uppbyggingu æskulýðsstarfs íþróttafélaganna.





Heimsmarkmið Sameinuðu Þjóðanna

Markmið um
sjálfbæra þróun

Heimsmarkmið sameinuðu bjóðanna

Árið 2000 settu Sameinuðu þjóðirnar fram Þúsaldarmarkmið til ársins 2015 sem snoru fyrst og fremst að þróunarríkjunum. Mikill árangur náðist og því var ákveðið að setja ný markmið til ársins 2030 og ná þau til allra ríkja heims.

Heimsmarkmið Sameinuðu þjóðanna um sjálfbæra þróun voru svo samþykkt árið 2015. Þau eru 17 talsins með 169 undirmarkmið og ná bæði til alþjóðasamstarfs og innanríkismála. Þau eru samtengd og órjúfanleg og eru þeim ætlað að mynda jafnvægi milli umhverfislegra, efnahagslegra og félagslegra þátta og leiða þannig til sjálfbærrar þróunar. Markmiðin eru algild, sem merkir að aðildarríki Sameinuðu þjóðanna hafa skuldbundið sig til að innleiða þau bæði innanlands og með alþjóðasamstarfi.



Olís og heimsmarkmiðin

Heimsmarkmiðin eru margþætt og metnaðarfull. Þau krefjast þátttöku og samstarfs ólíkra hagsmunaaðila til að markmið um sjálfbærni náið fyrir 2030.

Við höfurm forgangsraðað sex heimsmarkmiðum út frá stefnumiðum Olís. Þau tengjast kjarnastarfsemi okkar, starfsemi móðurfélagsins og forgangsmarkmiðum ríkisstjórnarinnar.

Þessi sex markmið eru

Markmið 5:

Jafnrétti kynjanna

Markmið 8:

Góð atvinnan

Markmið 9:

Nýsköpun o

Markmið 10:

Aukinn jofnuður

Markmio 12:

Abyrgneys

Markito IS.



Olís - sjálfbærnimarkmið

Jafnrétti kynjanna



Við styðjum við heimsmarkmið 5 um jafnrétti kynjanna á eftirfarandi hátt:

- Við höfum sett okkur jafnlaunastefnu og jafnréttisáætlun sem miðar að því að tryggja jöfn laun og réttindi kynjanna.
- Samsetning kynjanna í stjórnendastöðum hefur jafnast mikið á síðustu árum og við vinnum hörðum höndum að því að hlutur kynjanna verði jafn í framtíðinni.
- Við höfum innleitt jafnlaunakerfi sem hefur þann tilgang að tryggja jöfn laun, jafnrétti og jafna stöðu kvenna og karla innan Olís.
- Olís greiðir sömu laun fyrir jafnverðmæt störf og hefur hlotið jafnlaunavottun samkvæmt ÍST 85:2012.

Góð atvinna og hagvöxtur



Við styðjum við heimsmarkmið 8 um góða atvinnu og hagvöxt á eftirfarandi hátt:

- Við leggjum ríka áherslu á að starfsfólki okkar líði vel í vinnu, fái jöfn tækifæri og eigi auðvelt með að samræma einkalíf og atvinnu jöfnum höndum.
- Við stuðlum að heilbrigðu lífneri starfsfólks með því að bjóða upp á árlegan heilsueflingarstyrk og í samstarfi við Vinnuvernd auðveldum við starfsfólki að fylgjast með eigin heilsu og vellíðan.
- Í samræmi við auknar áherslur á stafræna þróun, þá höfum við nú innleitt fræðslukerfið Eloomi. Á þennan hátt náum við til starfsfólks á hinum fjölmörgu starfsstöðvum víðsvegar um landið og getum sinnt fræðslu mun betur og jafnar en áður.

Nýsköpun og uppbygging



Við styðjum við heimsmarkmið 9 um nýsköpun og uppbyggingu á eftirfarandi hátt:

- Við styðjum við uppbyggingu innviða í landinu og viðbragð við umhverfisvá með því að efla stöðugt samstarf okkar við Slysavarnafélagið Landsbjörgu.
- Nýsköpun á sviði umbúðalausrara vara er mikilvæg og við vinnum markvisst að því að allar þjónustustöðvar okkar verða tilbúnar til umbúðalausrar sölu á rúðuvökva, frostlegi og smurolíu.
- Við leitum sífellt leiða til að gera starfsemi okkar sjálfbærari, ábyrgari og renum að tryggja öruggari nýtingu auðlinda. Við höfum innleitt stafrænar lausnir og þróað umhverfisvæna tækni og verkferla til að styðja við þessa vinnu.

Olís - sjálfbærnimarkmið

Aukinn jöfnuður



Við styðjum við heimsmarkmið 10 um aukinn jöfnuð á eftirfarandi hátt:

- Jafnréttisstefna Olís nær til kyns, aldurs, kynþáttar, trúarbragða, skoðana og kynhneigðar. Allt starfsfólk okkar skal njóta sömu virðingar og sömu möguleika þegar kemur að starfsþróun og framgangi í starfi.
- Við teljum að fyrirtæki sem búa yfir meiri fjölbreytileika starfsfólks, eigi auðveldara með að stunda nýsköpun, séu hæfari til að aðlagast breytingum og njóti almennt meiri velgengni.
- Stefnt er að því að mannauðsstefnan okkar og jafnréttisstefnan verði aðgengileg öllum starfsmönnum á ráðandi tungumálum meðal starfsmanna.

Ábyrg neysla og framleiðsla



Við styðjum við heimsmarkmið 12 um ábyrga neyslu og framleiðslu á eftirfarandi hátt:

- Í samræmi við áherslur í umhverfismálum þá stefnum við markvisst að því að auka endurvinnsluhlutfall úrgangs.
- Um langt skeið höfum við dregið úr orkunotkun með markvissum hætti og með samstarfi okkar við Klappir grænar lausnir þá verður þessi vinna enn markvissari.
- Við höfum aukið verulega úrvalið af niðurbrjótanlegum og umhverfisvænni vörum í einnota umbúðum í samræmi við aukna áhersla á sjálfbært efnisval þegar kemur að umbúðum.
- Umhverfispættir eru ávallt hafðir að leiðarljósi þegar kemur að orkuneyslu og nýtingu hráefnis, við val á vörum, birgjum og flutningatækjum.

Aðgerðir í loftslagsmálum



Við styðjum við heimsmarkmið 13 um aðgerðir í loftslagsmálum á eftirfarandi hátt:

- Við vinnum samkvæmt aðgerðalista til að minnka kolefnisspor með mælanlegum og markvissum hætti í gegnum samstarf okkar við Klappir grænar lausnir.
- Við stefnum að því að flokkun sorps verði innleidd að fullu á öllum þjónustustöðvum Olís sem leiðir til minna kolefnisspors.
- Við erum þáttakandi í loftlagsyfirlýsingu Festu og Reykjavíkurborgar, sem við undirrituðum í nóvember 2015 og einsetjum okkur að ná markmiðum Parísarsáttmálans í loftslagsmálum fyrir árið 2030.
- Olís starfar eftir og uppfyllir reglugerð um gæði eldsneytis en markmið þeirrar reglugerðar er að draga úr losun gróðurhúsalofttegunda á vistferli eldsneytis og hugsanlegum skaðlegum áhrifum eldsneytis á heilsu fólks og umhverfisins.

Olís - sjálfbærnimarkmið



| HEITI MARKMIÐS | HEIMSMARKMIÐ SP | TENGING VIÐ STEFNU HAGA | HEITI VERKEFNIS | ÁÆTLAÐUR ÁRANGUR 2021 |
|--|----------------------------------|-------------------------|-------------------------|--|
| UMHVERFIÐ | | | | |
| Auka framboð á umhverfisvænni vöru | 9 - Nýsköpun og uppbygging | Umhverfi | Nýjir orkugjafar | Fullmótuð stefna varðandi orkusölu |
| Endurvinnsla umbúða | 12 - Ábyrg neysla og framleiðsla | Umhverfi | Endurvinnsla plastbrúsa | Hefjum notkun á endunnum plastbrúsum hjá Mjöll Frigg til sölu á stöðvum Olís |
| Minna kolefnisspor | 13 - Aðgerðir i loftlagsmálum | Umhverfi | Græn skref Olís | Aðgerðalisti til að minnka kolefnisspor tilbúinn |
| Minna kolefnisspor | 13 - Aðgerðir i loftlagsmálum | Umhverfi | Græn skref Olís | Flokkun sorps verður innleidd að fullu á öllum þjónustustöðvum Olís sem leiðir til minna kolefnisspors |
| MANNAUÐURINN | | | | |
| Jafnlaunavottun | 5 - Jafnrétti kynjanna | Starfsmannamál | Launagreining | <1% |
| Jafnt hlutfall kynja í stjórnunar- og áhrifastöðum | 5 - Jafnrétti kynjanna | Starfsmannamál | Jafnréttisstefna Olís | Bæting frá fyrra ári ef slík störf losna |
| Aukið jafnrétti starfsmanna | 10 - Aukinn jöfnuður | Starfsmannamál | Mannauðsstefna Olís | Mannauðsstefna kynnt öllum nýjum starfsmönnum Olís |
| SAMFÉLAGID | | | | |
| Ábyrg innkaup aðfanga | 8 - Góð atvinna og hagvöxtur | Samfélagsleg ábyrgð | Mótun innkaupastefnu | Innkaupastefna kynnt starfsmönnum |

Taflan sýnir hvernig samfélagsverkefnin okkar tengjast stefnu móðurfélagsins Haga og Heimsmarkmiðum Sameinuðu þjóðanna.



Lykilþættir úr ESG-skýrslu

Kolefnisuppgjör (E1)

Samfélagsuppgjör Oliuverzlunar Íslands ehf. árið 2020 inniheldur þriðja kolefnisbókhald félagsins. Losun félagsins árið 2020 nam 2.380 tonnum koltvisýringsfgilda (tCO₂i). Náð var að fullu utan um umfang 1 og 2 og nam losun þeirra samtals 485,6 tCO₂ ígilda.

Losunarkræfni (E2)

Helstu lykilmælikvarðar Oliuverzlunar Íslands ehf. eru losunarkræfni starfsmanna og tekna. Losunarkræfni starsmanna árið 2020 nam 5.833,3 kgCO₂i/stöðugildi, og losunarkræfni tekna 77,9 kgCO₂i/milljón ISK.

Orkunotkun (E3)

Heildarorkunotkun Oliuverzlunar Íslands ehf. nam 14.488.515 kWh. Orkunotkun samanstendur af rafmagns-, heitavatns-, og eldsneytisnotkun. Óbein orkunotkun vegna rafmagns og heitavatnsnotkunar nam 13.020.060 kWh. Hlutfall endurnýjanlegrar orku í rekstri Olís var 89,9%.

Vatnsnotkun (E6)

Heildarnotkun Oliuverzlunar Íslands ehf. á heitu vatni nam 129.195 m³.

Kolefnisjöfnun

Oliuverzlun Íslands ehf. hefur kolefnisjafnað rekstur sinn með mótvægisadgerðum í samstarfi við Landgræðsluna. Samtals mótvægisadgerðir jafngilda 2.380 tCO₂i.



Kirkjufell í Eyrarsveit
að sumarlagi

Sjálfbærniuppgjör Oliuverzlunar Íslands hf. fyrir árið 2020 er gert í samræmi við ESG leiðbeiningar sem Nasdaq á Íslandi og Norðurlöndunum gáfu út á árinu 2019, leiðbeiningum sem settar voru fram árið 2015 af Sameinuðu Þjóðunum, samtökum um sjálfbærar kauphallir (Sustainable Stock Exchange Initiative) og vinnuhópi hjá Alþjóðasamtökum kauphalla (World Federation of Exchange). Einnig er vísað í tilheyrandi viðmið GRI Standard (e. Global Reporting Initiative, GRI100-400) og meginviðmið (e. Reporting Principles, PI-10) alþjóðasáttmála Sameinuðu Þjóðanna (United Nations Global Compact, UNGC).

Samfélagsuppgjörið er byggt á upplýsingum úr umhverfishugbúnaði Olís, EnviroMaster, og unnið í samstarfi við Klappir grænar lausnir hf.

Lykilþættir úr ESG-skýrslu



| LOSUN GRÓÐURHÚSALOFTTEGUNDA | EINING | 2019 | 2020 |
|-----------------------------------|--------------------|-----------|-----------|
| Kolefnisspor án mótvægisaðgerða | tCO ₂ í | 2.380,3 | 2.380,0 |
| Samtals mótvægisaðgerðir | tCO ₂ í | 2.368,7 | 2.380,0 |
| Kolefnisspor með mótvægisaðgerðum | tCO ₂ í | 11,6 | 0,0 |
| ORKUNOTKUN | EINING | 2019 | 2020 |
| Orka frá jarðefnaeldsneyti | kWst | 1.519.446 | 1.468.039 |

Taflan sýnir óefnahagslegar upplýsingar um umhverfisleg og samfélagsleg áhrif starfseminnar. Upplýsingar eru fengnar úr ESG-skýrslu sem unnin var í samstarfi við Klappir grænar lausnir hf vegna ársins 2020.

Sjálfbærni til framtíðar

Ísland er eitt þeirra ríkja sem hefur samþykkt að vinna að heimsmarkmiðum Sameinuðu þjóðanna og hefur þeim verið forgangsraðað af íslenskum stjórnvöldum í takt við stjórnarsáttmála sem staðfestur var í júní 2018. Olís tekur mið af markmiðum ríkisstjórnarinnar ásamt öðrum dótturfélögum Haga og mótar undirmarkmið sín sem falla að starfsemi félagsins í samræmi við þessa forgangsröðun.

Við erum að standa okkur vel á mörgum sviðum en engu að síður þá eigum við sífellt að reyna að gera betur. Það eru alltaf tækifæri til úrbóta og gerð samfélagsskýrslu er liður í að greina frá því sem vel er gert og einnig tækifæri til að staldra við og fara yfir það sem betur má gera.

Leiðarljós í starfsemi félagsins er að við öxlum ábyrgð á áhrifum sem ákvarðanir og athafnir okkar hafa á samfélagið og umhverfið. Aðgerðir okkar ættu á hverjum tíma að stuðla að aukinni sjálfbærni og tökum við mið af væntingum hagsmunaaða í hvívetna. Við höldum áfram veginn með gildi Olís að leiðarljósi, en þau eru framsækni, fagmennska og traust.



Sumarkvöld við
Lómagnúp á
Skeiðarársandi